



Broj: 07/2-14-685/19
Vogošća, 13.05.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 13.05.2019. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE NABAVKE I PREGLEDA
VATROGASNIH APARATA KAO I PREGLEDA HIDRANTSKE MREŽE U ZGRADI OPĆINE
VOGOŠĆA

Član 1.

Ponuda ponuđača "Vatroteh inženjering" d.o.o. Sarajevo, ulica Igmanska bb Vogošća, odabrana je za pružanje usluge nabavke i pregleda vatrogasnih aparata kao i pregleda hidrantske mreže u zgradi Općine Vogošća, kao prvoplasirana na Rang listi uz primjenu preferencijalnog tretmana domaćeg, sa ponuđenom najnižom cijenom tehnički zadovoljavajuće ponude u iznosu od od 3.990,00 KM bez uračunatog PDV-a, odnosno 4.668,30 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 02.04.2019. godine donio Odluku o pokretanju Otvorenog postupka nabavke i pregleda vatrogasnih aparata kao i pregleda hidrantske mreže u zgradi Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 11.04.2019. godine pod brojem: 1353-1-2-85-3-58/19.

Sažetak Obavještenja o nabavci objavljen je u "Službenom glasniku BiH" broj: 28/19 od 12.04.2019. godine.

Tendersku dokumentaciju sa Portala javnih nabavki BiH je preuzelo 11 (jedanaest) ponuđača. Krajnji rok za dostavu ponuda bio je 29.04.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 29.04.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-685/19 iz aprila 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Vatrosistemi" d.o.o. Sarajevo	9.818,82	/	/	11.488,02
2	"Proving" d.o.o. Sarajevo	9.997,00	/	/	11.696,49
3	"Granulo-RE" d.o.o. Sarajevo	9.999,90	/	/	11.699,88
4	Agencija za zaštitu ljudi i imovine "Inza" d.o.o. Sarajevo	9.868,00	/	/	11.545,56
5	"Vatroteh inženjering" d.o.o. Sarajevo	12.090,00	/	/	14.145,30

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Granulo-RE" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. TD a u skladu sa članom 50. Zakona je zahtjevano da je ponuđač bio dužan ispuniti traženi uslov tehničke i profesionalne sposobnosti i to da je u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 10.000,00 KM bez uračunatog PDV-a.

Tačkom 7.4.2. TD a u svrhu dokazivanja ispunjavanja uslova iz tačke 7.4.1. TD je propisano da su ponuđači bili dužni u ponudi dostaviti spisak izvršenih ugovora u ukupnom iznosu od 10.000,00 KM bez uračunatog PDV-a u posljednje 3 (tri) godine, računajući od dana podnošenja ponude-referenc listu, koju sačinjava ponuđač na svom memorandumu, sa potvrdama o izvršenim ugovorima od strane krajnjeg korisnika, a sve u skladu sa članom 48. stav 2. Zakona, uz napomenu da su traženi dokazi trebali biti dostavljeni kao originali ili ovjerene kopije dokumenata.

Ponuđač "Granulo-RE" d.o.o. Sarajevo je u svojoj Ponudi (str. 29-30. Ponude) dostavio Potvrdu o uspješnom ispunjenju ugovorenih obaveza broj: 1-8576-1/2018 od 19.04.2018. godine, izdatu od strane JP "Željeznice Federacije BiH" d.o.o. Sarajevo, međutim propustio je da dostavi zahtjevani dokaz-spisak izvršenih ugovora u ukupnom iznosu od 10.000,00 KM bez uračunatog PDV-a u posljednje 3 (tri) godine, računajući od dana podnošenja ponude referenc listu-zahtjevanu tačkom 7.4.2. TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Vatrosistemi" d.o.o. Sarajevo,
- "Proving" d.o.o. Sarajevo,
- Agencija za zaštitu ljudi i imovine "Inza" d.o.o. Sarajevo i
- "Vatroteh inženjering" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda, nakon čega je utvrđeno da postoji računska greška u Ponudi ponuđača "Vatrosistemi" d.o.o. Sarajevo i ponuđača Agencije za zaštitu ljudi i imovine "Inza" d.o.o. Sarajevo.

Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računске greške, te je aktom broj: 07/2-14-685/19 od 07.05.2019. godine dostavila na davanje saglasnosti ponuđačima "Vatrosistemi" d.o.o. Sarajevo i Agenciji za zaštitu ljudi i imovine "Inza" d.o.o. Sarajevo.

Ponuđač "Vatrosistemi" d.o.o. Sarajevo je svojim aktom broj: 051-05/2019 od 08.05.2019. godine dao saglasnost na ispravku računске greške, tako da umjesto ukupne ponuđene cijene u iznosu od 9.818,82 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 24.860,52 KM bez uračunatog PDV-a.

Također, ponuđač Agencija za zaštitu ljudi i imovine "Inza" d.o.o. Sarajevo je svojim aktom broj: 4014-05/19 od 08.05.2019. godine dao saglasnost na ispravku računске greške, tako da umjesto ukupne ponuđene cijene u iznosu od 9.868,00 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 14.831,00 KM bez uračunatog PDV-a.

Komisija za javne nabavke je konstatovala da su svi ponuđači izuzev ponuđača "Vatrosistemi" d.o.o. Sarajevo u skladu sa tačkom 9.2.1.TD u svojim ponudama dostavili Potvrde vanjskotrgovinske komore BiH, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2019. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 13.05.2019. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 13.05.2019. godine, Komisija za javne nabavke je sačinila sljedeću Rang listu u Otvorenom postupku nabavke i pregleda vatrogasnih aparata kao i pregleda hidrantske mreže u zgradi Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Vatroteh inženjering" d.o.o. Sarajevo	3.990,00*	4.668,30
2	Agencija za zaštitu ljudi i imovine "Inza" d.o.o. Sarajevo	4.000,00*	4.680,00
3	"Vatrosistemi" d.o.o. Sarajevo	4.400,00	5.148,00
3	"Proving" d.o.o. Sarajevo	8.200,00*	9.594,00

*Označava cijenu na koju se primjenjuje preferencijalni tretman

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Vatroteh inženjering" d.o.o. Sarajevo, za pružanje usluge nabavke i pregleda vatrogasnih aparata kao i pregleda hidrantske mreže u zgradi Općine Vogošća, kao prvoplasiranom na Rang listi uz primjenu preferencijalnog tretmana domaćeg, sa ponuđenom najnižom cijenom tehnički zadovoljavajuće ponude u iznosu od 3.990,00 KM bez uračunatog PDV-a, odnosno 4.668,30 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

- | | |
|---|-------------|
| 1. "Vatrosistemi" d.o.o. Sarajevo | 033/780-131 |
| 2. "Proving" d.o.o. Sarajevo | 033/664-100 |
| 3. "Granulo-RE" d.o.o. Sarajevo | 033/767-551 |
| 4. Agencija za zaštitu ljudi i imovine "Inza" d.o.o. Sarajevo | 033/777-401 |
| 5. "Vatroteh inženjering" d.o.o. Sarajevo | 033/425-341 |
| 6. Nadležnoj Službi | |
| 7. U dosije | |
| 8. a/a | |

OPĆINSKI NAČELNIK

 Edin Smajić